

YUDA

Egeyādannērino

¹ Ma Yuda, Yesu Kirisi zòbleri, Yemisi dāaro, bé à takada kè kè De Luda gbě yenzidee kè à n sísí, à n kūna kuuna Yesu Kirisi guunone. ² Luda sùu kōn aafiao kōn yenziō kaaraare.

³ Ma gbě yenzideeno, má yezi mà takada kēare yā wa píngi mīsina yā musu, ben má è à kō sio kè tiasime mà kēare, mà lé daoawa à gí kōn a zīndao Yesu yā kè Ludaa nàare a ɔzī gèn do ai gurɔ píngi musu. ⁴ Zaake ludayādarisaino gè wa té kpāi, aṣègō wa Luda gbēkēe ee n wísaiyākena zé ūme, aṣè lé sé wa Dii mèn do Yesu Kirisizi. Wéε kè Luda é tām̄ma kú Luda yān zaa gikena.

⁵ Kè Dii Isarailino bò Igipiti, à gberan à gbě kè aṣe a náane keroono dède. Má yezi mà yā pì dɔagu, baa kè á dō kò. ⁶ Malaika kè aṣe ze kōn n gwenaoro, ben aṣ pā kpā n kúkiizino sō, Luda n ká gusiaan yiyina kōn mōkyakoo kè dōm̄ma gurɔ píngio ai a yākpakēgurɔ bíta zī. ⁷ Leme dɔ Sɔdɔmu kōn Gɔmɔrao kōn wéte kè aṣo ligañzi gbēno yā beee taka kè le se, aṣ n zīnda kpā pāpākenaa kōn yādɔɔsaikenao. Aṣ kaatena né wéetām̄ma kōn té kè è garoo sèedame.

⁸ Ludayādarisai nana'ori pino è ke le se dɔ. Aṣè n zīnda da yāgbāsīkenan, aṣè gí dokazi, aṣè dɔke kōn malaika gakuideeno. ⁹ Baa malaikanɔ kína Mikaeli, gurɔ kè èe leokpakōa kee kōn Ibilisio Musa gè yā musu, èe we à à sòsò à yā dààlaro, mɔde à bène, ma

n to Diine. ¹⁰ Gbē pìno sō è yā kè aō à gbá dōroo zaa bo. Ɔndō kè wà ní íon aō vī laasuu sai lán nòbòno bà, ben è gēnyo kaatenan. ¹¹ Wāiyoo gbē pìno, aō Kaini zé sè. Aō sāsā lán Balamu bà ɔɔ yānzi. Aō bò Luda kpɛɛ lán Kora bà, ben aō yàka lán à bà. ¹² Aō de seedeeno ũ a kōgbēke pòblekiia. Aō è pò bleao, wí è ní kūrò. Aō zīnda gbɛɛɛ yān aō dō. Aō de lán lousisina kè è gēte kōn ĩao mana sai bà. Aō gà gèn plaa lán lí né'isai kè biè bà. ¹³ Aō de lán ísɔpɛena pāsī bà, aō è futa zaaa bo aō wísaiyākenano ũ. Aō de lán sɔsɔne lili'orino bà, gusia níginigin Ludaa diéne yàari ũ guro píngi.

¹⁴ Enoku kè de Adamu nasio dio ũu gīake à ní yā ò à bè, á è Dii e moɔ kōn a gbē kè aō parii lé víroono ¹⁵ le à yākpae ke kōn baade píngio, à yā da a yādarisai durunkerinola ní píngi, yā kè aō kè a yādasaike guu yānzi kōn a tó zaaa kè aō sino píngi.

¹⁶ Gbē pìno né yāketedeeno me, yāke è kánguro. Aō pónidena bé è dōne ae, aō è ní zīnda sáabu kpá bíta, aō è lénnaa kása gbēno è àre'ena yānzi.

Kō gbana gbāaa

¹⁷ Apino sō ma gbē yenzideeno, à tó yā kè wa Dii Yesu Kirisi zìrino gīake wà òaree doagu. ¹⁸ Aō bèare, guro zāanoa gbē kè aō pò nidena ludayādasai è dōne aeno é a lalandi ke. ¹⁹ Gbē pìno è tó à kēkōame, aō zīnda poyezi bé è dōne ae, aō Luda Nini vīro. ²⁰ Apino ma gbē yenzideeno, à kō gba gbāaa a dōnzize guu, àgō adua ke kōn à Ninii gbāaao. ²¹ Àgō zena Luda yenzi guu, àgō wée doo wa Dii Yesu Kirisi sùu kè eé wa ká wèndi kè è yāaroozi.

22 À wēnda dō gbē kè aō kuu sekasekanōne.
 23 À gbēkeno sí téa à ní mì sí. À wēnda dō gbē
 pāndenōne kōn làakario, baa aō pókāsāa kè gbāsī
 kpà aō zaakena guunōn, à zan.

Sáabukpana

24-25 Luda mèn do wa Mísiri é fō à a dākpa le
 àton furo. Eé a kpan'ae ke a gakui guu see sai kōn
 pōnnaao kōn wa Dii Yesu Kirisi gbāaaao. Àmbe à
 gakui vī kōn bítakεεo kōn gbāaaao kōn ikoo zaale
 gurō e naaro kōn à tiaao ai gurō píngi. Aami.

Luda yá takada kǝn Bokobaru yǎo
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5